

մաց, զ՞ինչ արասցուք. ասաց հրապարակաւ՝
 թէ ըստ իմ կտակիս եթէ ոչ կամեսցին լինել
 զիսահակ Վրդ. պտն Կաթուղիկոս, միաբան-
 եալք առանց խռովութեան, զով ոք կամին՝
 ընտրեալ գիցեն յԱթոռն, զի մի յաղագս երկ-
 պառակութեան աւերեսցի սբ. Տունն. եւ
 յանձն արար Տեառնդ Վեհի եւ Մարտիրոս
 Վրդ. պտին հողալ զայս: Դարձեալ կրկին
 անգամ հարցաք սբ. Հօրն՝ եթէ այս պար-
 տուցս բազմութեան զի՞նչ արասցուք, ո՞վ
 տացէ պատասխանի: Քանզի որքան եկն ի
 քաղաքն վեց անգամ սիւնհոգոս արար եւ ոչ
 կարաց պարզել զհիսապն, որ ընդ Սոսրո-
 վին, թէպէտ կամէր վրէժխնդիր լինել նմա
 սաստիկ, սակայն Մարտիրոս Վրդ. պտն չէր
 ի միջի եւ չունէր զոք ընկեր, վասն այնորիկ
 օր առուր յամելով մնաց հիսապն անկատար:
 Դարձեալ Վանցի Նիկողոս չերէց ոմն, զոր
 վէքիլ եղեալ Ստեփաննոս Վրդ. պտին Մեղ-
 րեցւոյ՝ մինչ պատրիարդ էր աստ, թէ քի-
 սայի հիսապ ունելով յայնժամ, զոր վճար-
 եաց Հոգեւոր Տէրն. իսկ այժմ դարձեալ
 կրկին դաւէ արար՝ չկարաց հախ անել Վե-
 հին վերայ, յերկարեցաւ դաւէն մինչեւ ցայ-
 սօր: Իսկ յառուր Կիրակէին, զոր ի վաղիւն
 աւանդելոց էր զքաղցր հոգին, յորդորեալ
 զտաճիկ դաւէճիսն, եկեալ ի վերայ սաստիկ
 հիւանդութեանն, կամէին մահճօք վեքցնել
 ի մէհկէմէն: Եւ թէ զինչ չարիք գործեաց
 յայնմ ժամու՝ ընդ գրով ոչ լինի արկանել,
 զոր յայնմ սաստիկ հիւանդութեանն չարա-
 չար նզովիւք բանադրեաց զչարն զայն. եւ